



Broj: 02-04-759-6/23

Bužim, dana 18.09.2023.godine

Na osnovu člana 64. stav 1. tačka b) i člana 70. st. 1, 3. i 6. Zakona o javnim nabavkama Bosne i Hercegovine („Sl. glasnik BiH“, broj 39/14 i 59/22), člana 8. stav (2) tačka d) Pravilnika o uspostavljanju i radu Komisije za nabavke („Sl. glasnik BiH“ broj: 103/14), člana 22. Pravilnika o javnim nabavkama u općini Bužim broj : 02-02-3565/22 od 26.12.2022.godine, na preporuku Komisije za javnu nabavku broj: 02-04-759-4/23 od 15.09.2023.godine u Otvorenom postupku javne nabavke, Općinski načelnik općine Bužim kao rukovodilac ugovornog organa donosi:

ODLUKU

o izboru najpovoljnijeg ponuđača

Član 1.

Prihvata se preporuka Komisije za javne nabavke, broj: 02-04-759-4/23 od 15.09.2023. - **Izgradnja objekta Muzeja 505 viteške brigade – III faza** i dodjeljuje se ponuđaču „**KOV-GRAD**“ d.o.o Bužim, ponuda broj : IP-86-09/23 od 11.09.2023.godine, za ponudenu cijenu od **1.571.883,87 KM bez PDV-a (ukupno 1.839.104,13 KM sa PDV-om)**, kao najbolje ocijenjenom ponuđaču;

Član 2.

Izabrani ponuđač je dužan da u roku od 5 (pet) dana od dana dostavljanja ove Odluke dostavi originale ili ovjerene kopije dokumentacije iz člana 45. Zakona o javnim nabavkama kao i dokumentaciju iz tačke 4.3. Uslov za potpisivanje ugovora iz Tenderske dokumentacije.

Ukoliko izabrani ponuđači ne dostave traženu dokumentaciju u određenom roku ili je dostave na nepropisan i nepotpun način, ugovor za javnu nabavku neće biti potpisan u skladu sa Zakonom o javnim nabavkama.

Član 3.

Prijedlozi ugovora o nabavci dostavit će se na potpis izabranom ponuđaču po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se i ovlašćuje Služba za prostorno uređenje, geodetske i imovinsko-pravne poslove općine Bužim.

Član 5.

Ova odluka objavit će se na web-stranici općine: www.opcinabuzim.ba , istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 6.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-759/23 od 14.08.2023.godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a je **1.586.743,63 KM**.

Obavještenje o nabavci broj: 1119-1-3-43-3-42/23 objavljeno je na Portalu javnih nabavki dana 15.08.2023.godine (Sl.glasnik BiH, broj: 57/23 od 18.08.2023.godine).

Ponuđači koji su preuzeli Tendersku dokumentaciju sa portala javnih nabavki su:

1. „KOV-GRAD“ d.o.o. Bužim
2. ekapija doo,
3. BBS EUROPE,
4. VAŠ DOM DOO
5. GD KONSTRUKCIJE DOO
6. DEMA&S DOO MOSTAR
7. VELIĆ KOP
8. RMK ENGINEERING DOO SARAJEVO
9. S CONSALTING DOO MOSTAR

Komisija za javnu nabavku imenovana je Rješenjem broj: 02-04-1823/23 od 24.05.2023.godine.

Komisija za javne nabavke dostavila je dana 15.09.2023.godine Zapisnik o pregledu i ocjeni ponuda, broj: 02-04-759-3/23, Preporuku o izboru najpovoljnijeg ponuđača broj: 02-04-759-4/23 i Izvještaj o radu broj: 02-04-759-5/23 u postupku javne nabavke – Izgradnja objekta Muzeja 505 viteške brigade – III faza .

U postupku po Zapisniku i izvještaju o radu utvrđeno je da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajući zapisnik, u kojem je utvrđeno sljedeće:

- da je ukupan broj pristiglih ponuda : 1 (jedna),
- da je blagovremeno zaprimljeno ponuda : 1 (jedna).
- da nije bilo neblagovremeno zaprimljenih ponuda.
- da su sve ponude ponuđača, kvalifikovane i privatljive, dostavljeni su svi traženi dokazi propisani tenderskom dokumentacijom, na propisan način.

Uzimajući u obzir uvjete tenderske dokumentacije kojom je predviđeno održavanje e-aukcije, a sve u skladu s Pravilnikom o uvjetima i načinu korištenja e-aukcije („Službeni glasnik BiH”, broj: 66/16), Komisija je konstatala da je pristigla samo jedna prihvatljiva ponuda i da se e-aukcija ne može zakazati u skladu sa članom 3. stav 2. Pravilnika o uslovima i načinu korištenja e-aukcije te se postupak okončava u skladu sa članom 69. stav 1. tačka a) ZJN BiH koji definiše zaključenje ugovora o javnoj nabavci.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene, kako slijedi :

Izgradnja objekta Muzeja 505 viteške brigade – III faza

Naziv / ime ponuđača	Ponuđena cijena (bez PDV-a)
„KOV-GRAD“ d.o.o. Bužim	1.571.883,87 KM

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.


POUKA O PRAVNOM LIJEKU :

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Kancelariji za razmatranje žalbi Bosne i Hercegovine,

putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.


Obrada : Amel Dizdarević



U ime ugovornog organa

OPĆINSKI NAČELNIK

Mersudin Narić, dipl.ing.inf.



Dostaviti:

1. Ponuđaču: „KOV-GRAD“ d.o.o. Bužim, Mrazovac 326

2 Web stranica općine Bužim,

3. U spis predmeta.